

Paotr e C'halleg plat

Var don Ar Pilhaouer.

Allegretto.

Va mi-gnon Yann nigda-zen-nek A zo
brad ha leun a c'hloar, A zo brad ha leun a
c'hloar. Mez en deuz O komz bre-^{Diskan}zo-neg ha ger
gal. leg mat ne oar, Foei var. nan gant vern
ar-dou gal. leg sok leiz e che-nou.

Va mignon, Yannig Lazennek,
A zo bras ha leun a c'hloar; (*bis*)
Mez en deus o komz brezoneg,
Ha ger galleg mat ne oar.

DISKAN

Foei warnam gant e vern ardou,
Galleg sot leiz e c'henou !

Pa 'z an gantan d'ar pardonniou
Ne fell ket d'am c'hamarad (*bis*)
Gant aoun da freuza e c'henou,
Komz er yez a gomz e dad.

Bet omp e pardon Keraez,
O redek ar staliou kaer ;
Me oa tapet genaouegez
E kichen ma Yannig kouer !

Dirak peb stal e lavare :
— « Regard' comm' ché bo tout ça !
« Jeannett', je vais te régaler,
« Prends tout che que tu voudras ! »

Ha pa grogen en dister dra :
— « Laiché cha, viens donc plus loin. »
Hag erru e ti Jaketa :
— « Rentrans pas dans che chal coin ! »

Prena 'ra koz soniou gallek
'N eur grial : « Ché ben, ché bon ! »
Pa ginniger d'ean brezoneg :
— « Je sais pas lir' du breton. »

Savet droug, pelloc'h, emmon-me,
E prenis seiz kanaouenn,
Ha me rei e zac'h d'an den-ze :
— « Kerz d'ar gêr da zeski lenn.

« Mez em eus ganez, pladennek,
« Ha te savet er vro-man
« A ra fae war ar brezoneg,
« Goude n'ouzout nemetan ?

« 'N deiz bennak, me, ma timezan,
« N' roin ket d'id-te ar maout ;
« Gwelloc'h ganen kaout eur pagan,
« Eur pastor pe eur paotr saout. »

M'ho piye gwelet ma lapous,
An daelou 'n e zaoulagad,
O vont kuit, lostek ha pikous,
C'hoarzet ho piye m'oar vat.

Grit eveldon, merc'hedigou,
Ha c'houi welo a bep tu
Kement hini a zoug bragou
O komz brezoneg dioc'htu.

Pa 'z eus diou yez e Breiz-Izel,
Evit ma 'z ay mat an traou,
E vo red deomp en eur zével
O deskit, ervat, o diou.

Ha ma rankit komz e galleg,
Na gomzit ket hini plat,
Ha pa gomzoc'h e brezoneg,
Distagit brezoneg mat.

JANIG KOAD-AR-FAO.